

靈寶齋  
氣學通

北方玄天 五炁徘徊 中有黑帝 雙皇太微  
總領符命 仙鍊八威 青裙羽褐 龍文鳳水  
上帝所舉 制到玉階

北方真文四十字常以本命甲子立春之日黑書於白刺上

投五方真文簡法各以其日五色書簡如上法

次登山先東向叩齒呪香發爐悉如上法

次叩齒十二通呪曰

玄上高靈 元始善神 大聖徘徊 萬真臨軒  
三景敷暉 慶雲四陳 上告校園 推算九天  
今日啓願 投刺靈山 丹書赤字 自然真文  
上告五帝 記名玉篇 萬神監映 日月明言  
願度願生 願神願仙 天地星宿 玄照我身  
三官九府 五嶽大神 普告無窮 消除罪根

元始大開 莫不納言 七祖幽寬 受福自然  
三塗五苦 永離八難 得與三景 同輝紫晨  
轉輪不滅 身得飛仙  
畢讀刺竟投於絕巖之中便散香靈山之  
上

次叩齒三通向本命呪曰

元始監映 仙名已書 三官九府 罪莫不除  
散香五帝 告明太虛 請如所陳 萬劫長存  
仰咽九氣

次呪香復爐如上法

八節甲子本命五方用事同此一法

太上洞玄靈寶齋簡文

太上洞玄靈寶齋五帝醮祭招真玉訣

道言靈寶齋書五篇真文篇鎮一方皆元始  
自然之書五老與五帝侍衛五方靈官紀錄  
禁限一年三開眾仙度真玄科舊典上宮諸  
真人及五嶽神仙三年一奉靈寶齋五帝靈官

散花燃燈香湯甘果上獻天真以存靈氣後  
學常能爾者則靈寶齋五帝感乎精誠五方靈  
官當之喜欣凡檀無濃薄意從中來苟有至  
情人神感焉故書其品戒秘而修行

舊典降致靈寶齋五帝靈官法以春用甲寅乙

卯夏用丁巳丙午季用戊辰戌己未己丑

秋用庚申辛酉冬用癸亥壬子建壬之日於  
靈嶽作高壇四方欄幕東西南北王上用五  
門安五榜也榜依別文在大盟儀中

安五門畢當四面安障勿令當風使火光氣  
亂每令火氣密勿令廣照使靈氣散也敷一

五尺淨席隨節安之春則向東方也

每以名香淨茶羹湯鮮果潔淨法塵隨豐珍  
之宜用淨杯十一枚杓令新好祥三枚皆令

精潔二棹各盛五杯其一棹盛一杯一棹在

五杯梓者下流比五香火相次於梓前果亦三梓如之餘湯即別器請著前南和丹縉五尺縉也於案上清靈寶五篇真文五符割碧林之帛五尺縉也覆真文符上安著座後令符處丹青中以爲落髮喻血之盟也代製

丹代噴血之盟誓真人不傷神損德故以代之也

香用五種雜和之香爐每令新好相連安之束帶跪請每令徐聲下氣天真密感而降當朱書白銀刺上六枚

次請五帝衆仙靈官安五香火之下

東方九氣青天安寶華林青靈始老君蒼帝

君九氣天君太上真王青腰玉女東鄉諸靈

官某帝真人某甲再拜五香稽首奉請降元

南方三氣丹天梵寶昌陽丹靈真老君赤帝

君朱丹三氣天君元氣大人朱宮太丹玉女

南鄉諸靈官某帝真人某甲再拜五香稽首

奉請降元

中央元洞太帝之天玉寶元靈元老君黃帝

君太帝真人子丹黃庭戊己天倉玉女中黃

太帝官君某帝真人某甲再拜五香稽首奉請降元

西方七氣之天七寶金門皓靈皇老君白帝

君明石七氣天君太上白素玉女西鄉諸靈

官某帝真人某甲再拜五香稽首奉請降元

北方五氣玄天洞陰朔單鬱絕五靈玄老君

黑帝君玄滋五氣天君太上靈君夜光玉女

北鄉諸靈官某帝真人某甲再拜五香稽首

奉請降元

九天衆靈五嶽靈山真人江河四清三官九

府諸靈官地仙玉女五嶽飛仙神仙諸仙官

君某帝真人某甲再拜五香稽首奉請降元

朱書五簡安五香火下讀簡畢便請一帝再

拜下簡以次如法後一簡今在中央之右送

天官都畢埋著中方此玄都舊典不得儀式

則天真不降誤兆被殃也

安簡畢調聲自陳某月某朔某日甲子某州

郡縣鄉里某帝先生某甲年如于歲以某年

月某日從某嶽先生真人受

太上靈寶五老真文自然赤書五篇符命謹

依大道玄都舊典科法清齋沐浴香薰神室

奉請五帝君五帝靈官真人神仙玉女謹以

名香棗湯甘果表於丹心潔整身神伺迎上

皇天專請遣五體真官三魂七魄三官真人

上到九天之宮三天之宮五外之鄉青茅之

天朱丹之天太帝之天中黃之天明日石之天

玄滋之天八方五帝真人之庭通宣所啓執

齋奉禮虛心注仰願迴靈駕暫降某郡縣鄉

里中臨映丹誠降五符之真啟饗微禮薄饌

畢再拜伏地良久乃起長跪取東方簡讀文

畢下簡故處重請上神奉降東方靈感仰蒼

帝君青茅九氣天君太上真王青腰玉女東

鄉諸靈官

次讀南方簡如上法奉降南方赤燦弩赤帝

君朱丹三氣天君元氣大人朱宮太丹玉女

南鄉諸靈官

次讀中央簡如上法奉降中央含樞紐黃帝

君太帝真人子丹黃庭戊己天倉玉女中黃

君太帝真人子丹黃庭戊己天倉玉女中黃

7-42 B V (90)

太帝官君

次讀西方簡如上法奉降西方曜魄寶白帝君明石七氣天君太上白素玉女西鄉諸靈官

次讀北方簡如上法奉降北方隱侯局黑帝君玄滋五氣天君太上靈君夜光玉女北鄉諸靈官

次讀東靈簡如上法奉降九天眾靈五嶽靈山真人江河四瀆三宮九府諸靈官地仙玉女五嶽飛仙神仙諸仙官君

右請五帝東真六位合十二拜

奉請天真畢五過上湯炷香而自陳啓其以有辛宿世因緣九天之劫轉及本身遭遇明運道法流行得以穢身參溱靈文五篇赤書五符寶經口叨竊以來專仰上真心希神仙而精誠淺薄未能感靈常恐罪身沉頓曩穢淪沒九泉天慈廣大展其效心守誠信向長齋思神念善愷生志度無窮而精誠淺狹未能自宣靈文深奧天尊遐邇未敢自闕今上吉良日整身清齋告祭五靈五老五帝諸君

大人上勞神光至真天尊曲降卑賤誠慚誠懼不敢自寧不勝天光遐照無細緣茲上陳其承先師善典以丹青告誓盟約閉口奉修不敢泄漏五入乃宜以定神契五帝開闢乞具符經圖神靈侍衛營護身身登山涉嶺出入林礪所求所向皆得如心金石開通神明契接萬願咸從採芝採藥不得隱藏山精伏匿邪試不干虎狼毒螫令不加身玉女神童給使東西五帝靈氣降入其形安鎮五腑內外聰明心開意通逆知吉凶三尸消滅九蟲不生身有奇毛早得神仙惟蒙至尊大帝直垂慈恩下流眾庶賜如所陳不勝洪澤輒自効勤臣其誠惶誠恐稽首再拜

又三過上湯上酒伏地若私有所陳自適意落乙啓願畢上勞東方靈威仰蒼帝君青茅九氣天君太上真玉青腰玉女東鄉諸靈官各還神房便散香再拜

次上勞南方赤燦弩赤帝君朱丹三氣天君元氣大人朱宮太丹玉女南鄉諸靈官各還神房便散香再拜

次上勞西方曜魄寶白帝君明石七氣天君太上白素玉女西鄉諸靈官各還神房便散香再拜

次上勞中央含樞紐黃帝君太帝真人子丹黃庭戊己天倉玉女中黃太帝官君各還神房便散香再拜

次上勞九天眾靈五嶽靈山真人江河四瀆三官九府諸靈官地仙玉女五嶽飛仙神仙諸仙官君各還神房便散香再拜

奉禮醮祭法事都畢取簡隨方埋著五門下泉真簡埋中央門下

右三年一醮九年三醮都止

道士張承先曰受靈寶五老赤書二錄杖策之日宜即依法祭醮以招天真幽映感降在乎精誠後則三年一請祈于必通今撰成立成以為常儀至學之士勿虧之矣

太上洞玄靈寶五帝醮祭招真玉訣